

益

詩小雅六月篇我行永久飲御諸
友包魚鱉鱠鯉侯誰在矣張仲孝友

商紂牧野顛敗所在賦斂重數黎元
愁苦

牧野商郊武王伐紂戰于牧野敗
紂師于此

夬

北辰紫宮衣冠中立含和建德常受
天福

北辰北極天之樞也

姤

輕戰上勇不知兵權為敵所制從師
北奔

無註

萃

大口宣唇神使仲言黃龍景星出應
德門與福上天天下安昌

禹渡江黃龍負舟景星一名德星

升

凶子禍孫仗劍向門凶訟謹囂驚駭
我家

無註

困

祝伯善言能事鬼神拜辭萬歲使君
延年

祝伯即祝鮀掌宗廟祭祀之官孔
子稱其巧佞

革

昧旦乘車履危陷溝亡失羣襦摧折
兩軸

史記漢臨江王徵還京發車軸折

井

珪璧琮璋執贄見王百里甯越應聘
齊秦

百里奚事秦甯越事齊

鼎

膠著木連不出牛攔斯享羔羊家室
相安

無註

震

卷領遁世仁德不舍三聖攸同周國
茂興

三聖大王王季文王也

艮

黍稷苗稻垂秀方造中旱不雨傷風
枯槁

無註

漸

冠帶南遊與福喜逢期於嘉貞拜爲公卿

無註

歸妹

一巢九子同公共母柔順利貞出入不殆福祿所在

無註

豐

韓氏長女嫁於東海宜家富主柔順以居利得過倍

無註未詳

旅

因禍受福喜盈我室所願必得

無註

巽

晉平有疾迎醫西秦國病乃大患分爲
二豎逃匿膏肓和不能愈

春秋成公十年春晉侯求醫於秦
秦伯使醫西緩爲之未至公夢疾爲
二豎子曰彼良醫也懼傷我焉逃
之其一曰居肓之上膏之下若我
何醫至曰疾不可爲也在肓之上
膏之下攻之不可達之不及藥不
至焉不可爲也

允

杜飛門啓患憂大解修福行善不爲
身禍

修福行善一作去老乘馬見同人
之夬

渙

追亡逐北至止而得稚叔相呼反其

室廬

無註

節

鳥鳴廡端一呼三顛搖動東西危慄
不安疾病無患

無註

中孚

龍化爲虎太山之陽衆多從者莫敢

救箴

無註

小過

姦風忽起車馳揭揭棄名追亡失其

和節憂心忪忪

揭起竭切忪竹律切

既濟

遊居石門祿安身全受福西鄰歸飲

玉泉

石門地名論語云子路宿於石門

未濟

登高上山見王自言申理我讒得職

蒙恩

無註

三三坎下訟

文巧俗弊將反大質僵死如麻流血

濡橈皆知其母不識其父干戈乃止

無註橈音魯

之乾

文王四乳仁愛篤厚子畜十男夭折

無有

按韻府群玉引淮南子云文王有

四乳

坤

日入望東不見子家長女無夫左手搔頭

無註

此

東上太山見堯自言申理我寃以解

憂患

無註

蒙

奎軫溫湯過角宿房宣時布和無所

不通

奎軫角房皆宿名

需

引船牽頭雖拘無憂王母善禱禍不成災

無註

師

鳧得水沒喜笑自啄毛羽悅懌利以
攻玉公出不復伯氏客宿

無註

比

水流趨下欲至東海求我所有買魴
與鯉足關路止

無註

小畜

獐鹿逐牧安飽其居反還次舍無有

疾故

無註

履

樹植藿豆不得芸鋤王事無監秋無
所收

無註

泰

弱水之西有西王母生不知死與天相保

書弱水既西柳宗元曰西海之山有水散渙無力不能負芥

否

數窮廓落困於歷室卒登玉堂與堯侑食

按史舜微時耕於歷山堯舉而任之加諸上位

同人

子鉏執麟春秋作元陰聖將終尼父悲心

左傳哀公十四年春西狩於大野叔孫氏之車子鉏商獲麟孔子作春秋

大有

尹氏伯竒父子生離無罪被辜長舌
所爲

伯竒尹吉甫之子父娶後妻而譖
伯竒於吉甫父逐之言無罪而見
逐皆後母長舌所爲也

謙

蟠枚折枝與母別離九臯難扣絕不
相知

無註

豫

弱雞無距與鵲格鬪翅折目盲爲鳩
所傷

無註

隨

甲乙丙丁俱歸我庭三丑六子入門
見母

無註

蠶

桑葉螟蠹衣弊如絡女功不成絲布
爲玉

無註

臨

關牢闢門巡狩釋寃夏臺姜里湯文
悅喜

湯囚夏臺文王拘姜里至後比皆有
天下

觀

欽明之德坐前玉食必保嘉美長受
安福

無註

噬嗑

武夫司空多口爭訟金火當戶民不

安處年飢無有

無註

賁

紫閣九重尊嚴在中黃帝堯舜履行
至公冠帶垂裳天下康寧

無註

剝

負牛上山力劣行難烈風雨雪遮遏
我前出道復還憂者自歡

無註

復

蹇兔缺唇行難齒寒口病不言為身
生患

無註

无妄

合體比翼嘉偶相得與君同好使我

有福

無註

大畜

口啄卒卒憂從中出喪我寶貝妻妾

失位

無註

頤

兩心不同或從西東明論中日莫適

相從

無註

大過

啞啞笑言與善飲食長樂行觴千秋

起舞拜受大福

無註

坎

初憂後喜與福為市八佾列陳飲御

嘉友

八佾舞列也古者天子舞八佾

離

西徙無家破其新車王孫失利不如

止居

無註

咸

鳳凰在左麒麟處右仁聖相遇伊呂

集聚時無殃咎福為我母

無註

恒

甌脫康居慕仁入朝湛露之歡三爵

畢恩復歸舊廬

區脫與甌脫同土室也胡人候望

處出匈奴傳康居國名湛露天子

燕諸侯之詩

遯

疾貧均幸使伯行販關牢擇羊多得
大牂一云疾貧望幸賈販市井

無註

大壯

處高不傷雖危不亡握珠懷玉還歸
其鄉

無註

晉

右手棄酒左手牧牂行逢禮御餌得
玉杯

箕子言紂彼為象箸必為玉杯

明夷

養虎牧狼還自賊傷大勇小捷雖危
不亡

無註

家人

戴堯扶禹從喬彭祖西過王母道路
夷易無敢難者

堯唐帝名禹妣姓喬王喬仙人彭
祖堯時人壽至八百

睽

秋冬探巢不得鵲鷦銜指北去塊我
少姬

無註

蹇

兩羝三牂俱之代鄉留連多難損其
食糧

無註

解

南徙無廬烏破其巢伐木思初不利
動搖

無註

損

爭訟不已更相擊劍張李弱口披髮
北走

無註

益

延頸望酒不入我口初喜後否得利
無有

無註

夫

被髮傾走寇逐我後亡失刀兵身全
不傷

無註

姤

麟鳳所遊安樂無憂君子撫民世代
千秋

麟仁獸不踐生草不食生蟲毛蟲
之長也鳳靈鳥文王時鳴于岐山
羽蟲之長也

萃

褰衣涉河水深漬罷賴幸舟子濟脫

無他

無註

升

憤憤不悅憂從中出荅我金艱並無妄
失位

憤音潰

困

絆跳不遠心與言反尼父望家菡萏
未華

史記世家孔子名丘仲尼字也

井

大壯肥牝惠我諸舅內外和穆不憂
飢渴

詩小雅伐木篇既有肥牡以速諸
舅按此壯當作牡

革

黃帝建元文德在身祿若陽春封爲
魯君

無註

鼎

虎聚摩牙以待豚猪往必傷亡宜利
止居一云虎厲其牙以待犬猪
往必殘傷催敗無餘利以止居

無註

震

天地配享六位光明陰陽順序以成
和平

周易乾卦彖曰六位時成

艮

猿墜高木不踈手足保我金玉還歸
其室

踈音渦

漸

營室紫宮堅不可攻明神建德君受
大福

漢天文紫宮爲皇極之居

歸妹

孤翁寡婦獨宿悲苦目張耳明無與
笑語

無註

豐

低頭窺視有所畏避行者不利酒酸
魚敗衆莫貪嗜

販當作敗

旅

載金販狗利棄我走藏匿淵底悔折
爲咎

無註

巽

行觸大忌與司命牾執囚束縛拘制
於吏

無註

允

執玉歡喜佩之解纜危詳反安使我
無患

無註

渙

機杼紛擾女巧不成長妹許嫁衣無
襦袴聞禍不成凶惡消去

無註

節

金人鐵距火燒左右雖懼不恐獨得
全處

無註

中孚

謝恩拜德東歸吾國舞蹈欣躍歡樂
受福

詩序云不知手之舞之足之蹈之

小過

青牛白咽呼我俱田歷山之下可以
多耕歲樂時節民人安寧

舜耕於歷山歷山之人皆讓畔

既濟

白雉群雉慕德朝貢湛露之恩使我
得權

周公爲冢宰越裳氏重譯來朝獻
白雉 詩湛露天子宴諸侯之詩
也

未濟

避患東西反入禍門糟糠不足憂愁
我心

無註

☵☲
坤上師

烏鳴呼子哺以酒脯高樓之處子來
歸毋穡人成功年歲大有姑婦無子

無註

之乾

一簧兩舌佞言諂語三姦成市曾母
投杼

一簧者即詩所謂巧言如簧兩舌
言不一也曾母曾參之母人有言

曾參殺人者曾母不信及三人言之曾母投杼下機而走

坤

春桃生花季女宜家受福且多在師中吉男爲封君

詩桃夭篇桃之夭夭灼灼其華之子于歸宜其室家

屯

殊類異路心不相慕壯牛牡獫獨無室家一本末句心不相下無註

蒙

折若蔽目不見稚叔三足孤鳥遠其元夫

折若蔽目一作折若蔽日按楚詞折若木以拂日兮註若木木名在崑崙西極其華光照下地

需

雀東求粒誤入罔域賴仁君子脫腹
歸息

無註

訟

王孫季子相與孝友明允篤誠升擢
家舉爲國幹輔

史記高陽氏有才子八人謂之八
愷高辛氏有才子八人謂之八元
堯未及舉舜於是舉八愷使主后
土舉八元使布五教

比

別樹無枝與子分離飢寒莫食獨泣
哀悲

無註

小畜

舜升大禹石夷之野徵詣玉闕拜理
水土

書帝曰咨禹汝平水土惟時懋哉
石夷未詳

履

義不勝情以欲自營見利危寵滅君
令名

無註

泰

三人北行六位光明道逢淑女與我
驥子

無註

否

羿張烏號彀射天狼柱國雄勇鬪死
滎陽

羿后羿善射烏號弓名天狼獸名

同人

季姬跣跣結衿待時終日至暮百兩
不來

詩靜女篇靜女其姝俟我於城隅
愛而不見搔首跣跣

大有

鴻鴈翩翩始然苦勞灾疫病民鰥寡
愁憂

無註

謙

穿冑狗邦僵離旁美天地易紀日月
更始

穿冑狗邦皆外夷國名旁美一卦
作旁春見剥之乾

豫

北山有棗使叔壽考東嶺多粟宜行

賈市陸梁雌雉所至利喜

無註

隨

干旄旌旗撫幟在郊雖有寶玉無路
致之

詩干旄篇子子干旄在浚之郊干
旄以旄牛尾注於旗干之首而建
之車後也

蟲
鹽

精潔淵塞爲讒所言證訊詰問繫於
枳溫甘棠聽斷怡然蒙恩

詩甘棠篇召伯循行南國以布文
王之政舍甘棠之下以聽訟焉後
人思其德

臨

玄黃痍隕行者勞罷役夫憔悴踰時

不歸

詩卷耳篇陟彼高岡我馬玄黃又
曰陟彼崔嵬我馬虺隤又云我僕
痛矣云何吁矣後當作役

觀

膚敏之德發憤晨食虜豹禽說以成
德主

史記韓信虜魏王豹又引兵擊趙
禽夏說

噬嗑

采唐沫鄉要我桑中失信不會憂思
約帶

詩桑中篇爰采唐矣沫之鄉矣唐
桑也沫衛邑名又云期我乎桑中

賁

伯寧子福惠我邦國蠲除苛殘使季

无患

無註

剥

讒言佞雄敗亂邦國生雖忠孝敗恩
不足

無註

復

淵泉隄防水道利通順注湖海邦國

富有

無註

无妄

江南多蝮螫我手足冤繁詰屈痛徹
心腹

無註

大畜

三人俱行別離獨食一身五心反覆

迷惑亂無所得

無註

頤

鴉鳴庭中以戒災凶重門擊柝備不
速客

易繫辭云重門擊柝以待暴客蓋
取諸豫豫備也

大過

功成事就拱手安居立德有言坐飾
貢賦

書禹貢云上之所取謂之賦下之
所供謂之貢

坎

國亂不安兵革為患掠我妻子家中
飢寒

無註

离

戴堯扶禹從喬彭祖西過王母道路
夷易無敢難者

堯唐帝名禹姒姓喬王喬仙人彭
祖堯時人壽至八百

咸

長尾蜥蛇畫地成河深不可涉絕無
以此惆悵會息

無註

恒

乘龍從蜺徵詣北闕乃見宣室拜守
東城鎮慰黎元舉家蒙福

未詳

遯

土與山連終身無患天地高明萬歲
長安

無註

大壯

久旱水涸枯槁無澤虛修其德未有
所獲

無註

晉

依天倚地凶危不至上清下淨受福
大明君受其利

無註

明夷

火烈不去必殪僵仆燔我衣裾禍不
可悔

無註

家人

配合相迎利之四鄉欣喜興釋所言
得當

無註

睽

清人高子久屯外野逍遙不歸思我
慈母

詩清人篇清人在消駟介麇麇二
矛重喬河上乎逍遙

蹇

武庫軍府甲兵所聚非里邑居不可

舍止

無註

解

三德五才和合四時陰陽順敘國無
咎災

按書六三德正直剛克柔克五才
金木水火土也

損

解衣毛羽飛入大都晨門戒守鄭忽
失家

忽鄭莊公世子莊公娶鄧曼生子
忽又娶宋雍氏生公子突桓十一
年莊公卒忽立四月而出奔衛

益

則根燒株不生飢膚病在心腹日以
焦枯

無註

夬

文山紫芝雍梁朱草生長和氣福祿
多處

芝草論芝生於土土氣和則芝草
生王者慈仁則有芝草生矣

姤

多載重負弃捐于野子母誰子但自

勞苦

無註

萃

鳧鴈啞啞以水爲家雌雄相和心至
娛樂得其歡欲

無註

升

耳目盲聾所言不通佇立以泣事無

成功

詩燕燕衛莊姜送歸妾也瞻望弗
及佇立以泣

困

天官列宿五神所舍宮闕堅固君安
其居

無註

井

范子妙材戮辱傷膚然後相國封爲
應侯

范子即范雎按史記范雎初事魏
嘗從須賈使齊齊賜雎金及牛酒
賈知之大怒以爲雎以國陰事告
齊故得此饋歸告魏相魏齊大怒
使舍人笞擊雎折脅摺齒雎佯死
置廁中雎告守者得脫變姓名後
歸秦秦以爲客卿封應侯

革

秋冬探巢不得鵲雛銜指北去慙我
少夫

無註

鼎

子畏於匡厄困陳蔡德行不危竟脫
厄害

孔子過匡匡人以為陽虎而拘之
在陳蔡絕糧言聖人道全德備雖
遇患而不危殆也

震

鴻飛在陸公出不復仲氏任止伯氏
客宿

詩豳風九罭篇美周公也鴻飛遵
陸公歸不復於女信宿又詩燕燕
篇仲氏任只仲氏戴媯字也

艮

鶴鳴九臯避世隱居抱朴守真竟不
隨時

詩鶴鳴篇鶴鳴于九臯聲聞于野
葛玄號仙翁又號抱朴子

漸

舜升大禹石夷之野徵諸玉闕拜治

水土

書帝曰咨禹汝平水土惟時懋哉
石夷未詳

歸妹

左輔右弼金玉滿堂常盈不亡富如
教倉

無註

豐

崔嵬北岳天神貴客衣冠不巳蒙彼
恩德

大梁析木其神主於恒山爲北嶽

旅

空槽注猪豮不到張弓祝雞雄父
飛去

無註

巽

胡蠻戎狄大陰所積涸冰凍寒君子
不存

無註

允

甘露醴泉太平機關仁德感應歲樂
民安

瑞應圖王者德至於天和氣感則
甘露降于松栢六帖云醴泉美泉
也水之精太平則出出則其政和
平堯之時德茂清平則出

渙

惡來呼伯慎驚外客甲守閉宅以備
凶急臨折之憂將滅無灾
惡來紂臣名即飛廉惡來也

節

日月相望光明盛昌三聖茂功仁德

大隆

三聖堯舜禹也

中孚

葛藟蒙棘華不得實讒佞亂政使恩壅塞

葛藟詩篇名蒙棘詩葛生篇云葛生蒙棘歛蔓于域予美亡此誰與獨息

小過

鄰不我顧而望玉女身多癩疾誰肯媚者

無註

既濟

精誠所在神之爲輔德教尚忠彌世長久三聖尚功多受福祐三聖夏尚忠商尚質周尚文按史

記夏歷世四百七十八年商歷世
六百二十八年周歷世八百六十
七年

未濟

鑽木求火掘地索水主母飢渴手為

心禍

無註

☵☷ 坤下坎上比

鹿得美草嗚呼其友九族和穆不憂
飢乏長子入獄霜降族哭

詩小雅鹿鳴燕羣臣嘉賓也呦呦

鹿鳴食野之苹我有嘉賓鼓瑟吹

笙

之乾

繼祖復宗追明成康光照萬國享世
久長

周成康之際天下太平刑措四十
餘年不用

坤

取火流泉釣魴山顛魚不可得火不
肯燃

無註

屯

麟子鳳雛生長家國和氣所居康樂

溫仁邦多聖人

麟仁獸鳳靈鳥能知安危故世治
則出出則聖人生焉

蒙

彭名爲娛白龍作雷盜堯舜裳桀蹠
荷兵青禽照火三日夷傷

按革之大過名作君娛作妖白作
暴舜作衣桀作聚火作夜未詳

需

黍稷醇釀敬奉山宗神嗜飲食甘雨
嘉降庶物蕃殖獨蒙福祉

詩楚茨首章云我黍與與我稷翼翼我倉既盈我庾維億以爲酒食以享以祀又四章云神嗜飲食卜爾百福

訟

李花再實鴻飛降集仁哲權輿蔭國受福

無註

師

千歲之墟大國所屠不見子都城空無家

無註

小畜

公子王孫把彈攝丸發輒有得室家
饒足

無註

履

驪姬讒喜與二嬖謀譖殺恭子害賊
忠孝申生以縊重耳奔逃

春秋左傳晉獻公嬖驪姬欲立其
子奚齊賂外嬖梁五東關嬖五譖
毀群公子及世子申生恭子即申
生也重耳晉文公名

泰

長生無極子孫千億栢柱載青堅固
不傾

無註

否

失意懷憂如幽狴牢亡子喪夫附托

寄居

無註

同人

仁智隱伏麟不可得龍蛇潛藏虛居
堂室

無註

大有

捫絜累累締結難解嫫母銜嫁媒不
得坐自爲身禍

捫絜一作捫絜見比之蒙其義未
詳嫫母黃帝第三妃貌醜而賢

謙

蜩飛墮木不毀頭足保我羽翼復歸
其室

蜩蟬也詩五月鳴蜩

豫

陳媯敬仲兆興齊姜乃適營丘八世
大昌

按春秋傳陳媯姓敬仲即陳公子
完魯莊公二十二年奔齊使爲工
正初懿氏卜妻敬仲曰有媯之後
將育于姜八世之後莫之與京姜
齊姓營丘齊所封之地

隨

過時不歸雄雌苦悲徘徊外國與母
分離

無註

盪

齊魯爭言戰於龍門構怨結禍三世
不安

按春秋魯成公二年春齊侯伐我
北鄙圍龍頃公之嬖人廬蒲就魁

門焉龍人囚之齊侯親鼓三日取
龍焉

臨

府藏之富王以振貸捕魚河海苟願
多得

無註

觀

鳴鶴北飛下就稻池鱸鮪鯉衆多

饒有一狗獲兩利得過倍

無註

噬嗑

蒼梧鬱林道易利通元龜象齒寶貝

南金爲吾福功

蒼梧鬱林皆地名

賁

兩火爭明雖鬪不傷分离且忍全我

弟兄

無註

剝

伯夷叔齊貞廉之師以德防患憂禍
不存

伯夷叔齊孤竹君之二子武王伐
紂諫之不食周粟遂餓而死論語
云伯夷叔齊餓於首陽之下民到

于今稱之

復

季去我東髮擗如蓬展轉空抹內懷
憂傷

抹當作牀

无妄

百足俱行相輔為強三聖異事王室
寵光

三聖堯舜禹也

大畜

壅遏隄防水不得行火盛陽光陰蜺
伏藏退還其鄉

無註

頤

滕蛇乘龍年歲飢凶民食草蓬

春秋魯襄公二十八年梓慎曰虵

乘龍龍宋鄭之星也宋鄭必飢

大過

鈛刀攻玉堅不可得盡我筋力胝蠶
爲候

無註

坎

恒山浦壽高邑所在陰氣下淋洪水
不處勞人開戶

無註

離

比目四翼來安我國福善上堂與我
同床

無註

咸

杜口結舌心中拂鬱去舊患生莫所
告冤

無註

恒

牽尾不前逆理失臣忠莫往來衛朔
以辨

按春秋桓公十二年衛侯晉卒朔
立十三年左公子洩右公子職立
公子黔牟朔奔齊

遯

早霜晚雪傷害禾麥損功弃力飢無所食

無註

大壯

適戍失期患生無斯懼以懷憂發戩閉塞邦國騷愁

按春秋魯莊公八年齊侯使連稱管至父戍葵丘瓜時而往及瓜而

代期戍公問不至請代弗許故謀作亂

晉

昊天白日照臨我國萬民康寧咸賴嘉福

無註

明夷

元吉无咎安寧不殆時行則行勿之

有悔

無註

家人

懿公淺愚不深受謀無援失國為狄所賊

春秋閔公三年狄人伐衛懿公好鶴鶴有乘軒者將戰國人皆曰使鶴遂為狄所滅

睽

城上有烏自名破家喚呼鳩毒為國患灾

無註

蹇

長股善走趨步千里王良嘉言伯來在道申見王母

王良古之善馭者

解

耕石山顛費種家貧無聊處作苗髮
不生

無註

損

二人異路東趨西步千里之外不相
知處

無註

益

純服黃裳載土以興德義茂生天下
歸仁

純服色不雜也易坤卦六五黃裳
元吉文在中也

夬

五銑鐵頤倉庫空虛賈市無盈與利
為仇

按韻註鍾口兩傍曰銑又云銑金
之澤者鉄頗未詳

姤

登崑崙入天門過糟丘宿玉泉問惠
觀見仁君

崑崙山在西北去嵩山五萬里其
山高萬一千里河水出其東北陬
天門泰山有大小天門視天門如
從穴中望天窓糟丘紂為酒池糟
丘玉泉未詳

萃

團團白日為月所食損上毀下鄭昭
出走

春秋魯桓公十一年鄭昭公名忽
立四月出奔衛

升

倉盈庾億宜稼黍稷年歲有息國家
富有

詩楚茨篇我黍與與我稷翼翼我
倉既盈我庾維億

困

狼虎結謀相聚爲保伺齧牛羊道絕
不通傷我商人

無註

井

木年摧折常恐不活老賴福慶光榮

輔相

無註

革

同載共輿中道分去喪我元夫獨爲
孤居

無註

鼎

飲酒醉酗跳躍爭鬪伯傷叔僵東家
治喪

無註

震

出值凶災逢五赤頭姚言死格扶伏
伏聽不敢動搖

未詳

艮

狼虎爭強禮義不行兼吞其國齊晉
無主

齊桓晉文假仁義以尊周室自桓
文之後天下失霸則諸侯無主愈
僭亂矣

漸

南國少子才畧美好求我長女薄賤

不與反得醜惡後乃大悔

無註

歸妹

一身兩頭莫適其驅亂不可治孰爲
湯漢

無註

豐

李耳彙鵠更相恐怯偃爾以腹不能

距格

史記龜策傳云蝟辱於鵠郭璞曰
蝟能制虎見鵠仰地淮南畢萬曰
鵠令蝟反腹者蝟憎其意而心惡
之也彙鵠之彙當作蝟李耳未詳

旅

松栢棟梁相輔爲強八哲五教王室
寧康

舜命高辛氏才子八人分布五教於四方

巽

雀行求食暮歸孚乳反其室舍安寧無故

無註

兪

四尾六頭為凶作妖陰不奉陽上失

其明

無註

渙

一衣三闕結緝不便歧道異路日暮不到

無註

節

牙孽生齒室當啓戶幽人利貞鼓翼

起舞

一作牙孽生達見遯之允

中孚

春鴻飛東以馬質金利得十倍重載
歸鄉

無註

小過

懽悅以喜子孫具在守發能忍不見

殃咎

無註

既濟

精華消落形體醜惡齧挫頓枯槁
腐蠹

齧齒不相值也齧齧也挫頓伊人
去軒騰茲字遂頓挫按韻府群玉

出韓文

未濟

登高上山見王自言申理我寃得職
蒙恩

無註

易林卷第二

卷二

七十四

臺灣國家圖書館, NATIONAL CENTRAL LIBRARY, TAIWAN, R.O.C.

易林卷第二
七十四

焦氏易林

小畜

履

泰

否

同人

大有

謙

豫

書名 易林注

(第 貳 冊)

檢查者 譚新嘉
覆查者 饒汝儀

刊寫時代 元刊大字本

裝式 蝶裝 黃綾皮

卷數 第叁 第肆

葉數 壹百肆拾肆葉

行格 半葉捌行行拾伍字

高廣 高伍寸壹分 廣陸寸捌分

邊口 肆周雙綫黑口上魚尾下標卷數下魚尾上標葉數

印章 首尾有本館朱文長印

其他標識及狀況 每卦無註者依兩格標無註微註已修

覆查加注 下口間有刊工名氏

中華民國十三年 叁 月 貳 拾 陸 日

易林卷第三

䷇ 艮上小畜

白鳥嘶餌鳴呼其子幹枝張翅來從
其母伯仲叔季尤賀舉手

無註

之乾

東過虎地牛馬奔驚道絕不通南困

無功

無註

坤

子鉏執麟春秋作元陰將以終尼父

悲心

左傳哀公十四年春西狩於大野

叔孫氏之車子鉏商獲麟孔子作

春秋

屯

取火泉源釣魴山巔魚不可得火不

可燃

無註

蒙

機關不便不能出言精誠不通爲人

所寃

無註

需

故室舊廬稍弊且除不如新巢可治

樂居

無註

訟

螻蛄循流東求大魚預且舉網庖人

哥謳

無註

師

鑿山通道南至嘉國周公祝祖襄適

荆楚

春秋魯昭公將往楚子服惠伯曰
先君未嘗適楚故周公祖以道之
襄公適楚而祖以道君不行何之

比

鵲近卻縮不見頭日日以困急不能
自復

無註

履

五舌啄難各自有言異國殊俗使心
迷惑所求不得

無註

泰

天門開闢牢戶寥廓桎梏解脫拘囚
縱釋

無註

否

堅冰黃鳥當哀悲愁數驚鷲鳥雛為
我憂

無註

同人

日走月步趨不同舍夫妻反目主君
失居

易小畜卦輿脫輻夫妻反目

大有

金牙鐵齒西王母子無有患殃扶舍
涉道到來不久

王母神仙以東華至真之氣化生

謙

拭牧拭牧憂禍相半隔以巖山室家
分散

無註

豫

衆神聚集相與議語南國虛亂百姓
勞苦與師征伐更立賢主

虛當作虐

隨

狼虎爭食禮義不行兼吞其國齊魯
無主

春秋自齊桓晉文失霸中國無主

蠱

寄生無根如過浮雲立本不固斯須
落去更爲枯樹

無註

臨

子啼索哺母行求食反見空巢長息
訾弋

無註

觀

駕馭逐狐輪挂荆棘車木結轍公子

無得

無註

噬嗑

方喙廣口仁智聖厚釋解倒懸唐國
大安

按節之聯方喙宣口此卦作方喙

廣口義通唐國即陶唐

賁

駕福乘喜來至家國戴慶南行離我

安居

無註

剝

孔鯉伯魚北至高奴乘馬金車駕遊

大都王母送我來牝字駒

高奴漢上郡

復

三足無頭不知所之心狂精傷莫使
爲明不見日光

未詳

無妄

獯牝龍身刃取三千南止蒼梧與福

爲婚道里夷易安全無患

詩定之方中駉牝三千蒼梧地名

大畜

辰次降婁王駕巡時廣祐施惠安國

無憂

降婁宿名成分

頤

望幸不到文章未就王子逐走馬騎

銜傷眊迹不得曷其有常

無註

大過

中原有菽以待糴食飲御諸友所求
大得

無註

坎

亂茅縮酒靈巫拜禱神怒不許瘁愁

憂苦

楚有三脊茅祭則用以縮酒也

離

李花再實鴻外降集仁哲以興廢國

受福

無註

咸

源出陵足行於山趾不爲暴害民得

安處

無註

恒

客入其門奔走東西童女不織士弃
耕畝暴骨千里歲寒無年

無註

遯

天之所子福祿常在以永康寧不憂

危殆

無註

大壯

蝗食我稻驅不可去實穗無有但見

空藁

蝗虫屬腹下有梵字魚子在水化
成食苗之虫也

晉

牛驥同堂郭氏已亡國破空虛君奔
走逃

按胡傳莊公二十四年齊桓公問
郭父老曰郭何以亡父老曰見善
而不能舉惡惡而不能去所以亡

明夷

狗無前足陰謀其北為身害賊何以
安息

無註

家人

兩輪自轉南上大阪四馬共轅無有
屯難與禹笑言鶴鳴竅穴不離其室
禹夏禹竅苦弔切

睽

牙孽生達陽昌於外左手執籥公言
錫爵

詩云左手執籥右手秉翟赫如渥
赭公言錫爵按詩傳籥如笛而六
孔或三孔翟雉羽也執籥秉翟者
文舞也公言錫爵即儀禮燕飲而
獻工之禮也

蹇

秋華夕萼數被嚴霜甲兵當庭萬物
不生雄犬夜鳴民擾大驚

無註

解

霜降閉戶蟄虫隱處不見日月與死
為伍

無註

損

身載百里功如四海為文開基武立
大柱

文王以百里之國脩德行仁至武
王遂有天下

益

禹作神鼎伯益銜指斧斤高閣憧位
獨坐賣庸不讎苦困為禍

禹分九州收天下美銅鑄為九鼎
以象九州伯益舜之虞官禹嘗薦
益於太後益避位箕山天下之人
不歸益而歸啓

夬

福祚之家喜至憂除如風兼雨出車
入魚 又云 如魚逢水長樂受喜
無註

姤

倉龍隱伏麟鳳遠匿冠履同處未得
安息

無註

萃

旦生夕死名曰嬰鬼不可得視

無註

升

白鶴銜珠夜食為明懷安德音身受
光榮

搜神記云有鶴為弋人所射窮而
歸噲參參收養療治瘡愈而放之
後鶴夜到門外參執燭視之鶴雌
雄雙至各銜明珠以報參焉

困

役行未已新事復起姬姜勞苦不得
休息

無註

井

憂患解除喜至慶來坐立懽忻與樂
為隣

無註

革

晨風之翰大舉就温昧過我邑羿無
所得

晨風鷗也詩駘彼晨風昧暗也羿
古之善射者

鼎

下田稷黍方華生齒大雨集降紛滂
滿甕

無註

震

君子碌碌鳥庇茂木見春百穀心勞
願德

無註

良

折臂躄足不能進酒祠祀曠開神怒
不喜

無註

漸

學靈三年聖且神明光見喜祥吉喜
福慶與鳩飛來告我無憂

無註

歸妹

三婦同夫忽不相思心懷不平志常
愁悲

無註

豐

中田膏黍以享王母受福千億所求
大得

王母神仙以東華至真之氣化生

旅

陽火不災喜至慶來降福送喜鼓琴

歌謳

無註

巽

陽明不息君無恩德伯氏失利農喪

其力

無註

兌

鷺雀銜茅以生孚乳兄弟六人姣好

悌孝各得其願和悅相樂

無註

渙

鷄尾奔奔火中成軍號叔出奔下失

其君

僖公五年童謠云鷄之貴貴天策

燁燁火中成軍號公其奔冬十二月虞伐號號公醜奔京師

節

兩人相距止不同舍夫妻離散衛侯失居

春秋成公十四年夏四月己未衛侯出奔齊註諸侯之策書孫甯逐衛侯春秋以其自取奔亡之禍故不書逐君之賊也

中孚

魁為番虎風推雲卻欲上不得反歸其宅

無註

小過

關雎淑女配我君子少妻在門君子嘉喜

關關雎鳩在河之洲窈窕淑女君子好逑

既濟

慈母赤子饗賜得士襄夷服除以安王家

無註

未濟

三足孤鳥靈鳴督郵伺過討惡自賊其家

漢天文志日中有三足鳥

☵☲ 乾下履

十鳥俱飛羿得九雌雄雖得全且驚不危

堯時十日並出草木焦枯命羿射其九日九鳥皆死墮其羽翼留其

一日

之乾

東嚮藩垣相與笑言子般執鞭圍人
作患

魯莊公三十二年零講于梁氏女
公子觀之圍人犂自牆外與之戲
子般怒使鞭之公曰不如殺之是
不可鞭犂有力焉能投蓋于穆門
十月圍人犂賊子般于黨氏

坤

循河摘舟旁淮東游漁父舉網先得
大鱖

無註

屯

轅折輪破馬倚僕卧後旅先宿右足
跌踣

無註

蒙

兩人相絆泪與悻戾心不同爭訟
惘然

無註

需

北辰紫宮衣冠立中宮和建德常受
天福

北辰北極天之樞也紫宮為皇極
之居出漢天文志

訟

遊居石門祿身安全受福西鄰歸飲
玉泉

無註

師

羊腸九縈相推併前止須王孫乃能
上天

比 羊腸山名其形屈辟如羊腸

爭訟相倍和氣不處陰陽俱否穀風
母子

無註

小畜

郭叔距頤為棘所拘龍額重顙禍不
成殃復歸其鄉

未詳

泰

薑室蜂戶螫我手足不得進止為吾
害咎

薑丑邁切螫音釋

否

怒非其怨因拘有遷貪垢腐鼠而呼
鴉鳶失反被困

無註

同人

嬰孩求乳母歸其子黃麕悅喜自樂
甘餌

麕五兮切鹿子也

大有

鍼縷勝服錦繡不成鷹逐雉兔爪折
不得

無註

謙

雨潦集降河梁不通鄒魯閉塞破費
市空

鄒魯二國名

豫

封豕溝瀆水潦空谷客止舍宿泥塗
至腹處無黍稷

無註

隨

三姦相擾桀跖為交上下騷離隔絕
天道

桀夏桀跖盜跖

蟲

齊景惑疑為孺子牛嫡庶不明賊孽
為患

按春秋傳孺子名荼齊景公妾嬖
如所生景公嘗銜繩為牛使荼牽
之故曰為孺子牛哀公五年景公
疾使國惠子高昭子立荼寘群公
子於萊六年僖子使召公子陽生
遂殺荼

臨

三羊俱亡走奔南行會暮失迹不知

所藏

無註

觀

請伯行賈代山之野夜歷險阻不逢
危殆利如澆酒

無註

噬嗑

葉之將落隕其黃葉失勢傾側而無

所立

葉當作桑詩桑之落矣其黃而隕

賁

上山求魚入水捕狸市非其歸自令

久留

無註

剝

名成德就項領不試景公老至老尼父

逝去

論語齊景公欲用孔子孔子曰吾老矣不能用也孔子行

復

天之奧隅堯舜所居以存保身為我國家

堯舜唐虞二帝也

無妄

睢鳩淑女賢聖配偶宜家壽福吉慶長久

關雎詩云關關雎鳩在河之洲窈窕淑女君子好逑言周文王生有聖德又得聖女妙氏以為之配

大畜

兩人俱爭莫能有定心乖不同訟言起凶

無註

頤

涉伯徇名弃禮誅身不得其道成子
奔燕

曾定公九年晉趙鞅圍衛討衛之
叛曰由涉佗成何遂殺涉佗成何
奔燕君子曰此之謂弃禮詩曰人
而無禮胡不遄死涉佗然矣哉

大過

踰江求橘并得大栗烹羊食肉飲酒
歌笑

無註

坎

山險難升澗中多石車馳轆擊重傷
載軸擔負善躓跌踣右足
躓音遂躓音致踣音渦

萬

元利孔福神所子畜般樂無苦得其
歡欲

無註

咸

烏鵲食穀張口受哺蒙被恩福長大
成就柔順利貞君臣合好

無註

恒

潼滂蔚蒼膚寸來會津液下降流潦
滂沛

滂上聲蒼音穢

遯

路多枳棘步刺我足不利旅客為心
作毒

無註

大壯

虺蜮所聚難以居處毒螫痛甚瘡不可愈

虺音卉螫音釋

晉

麟鳳相隨觀察安危東郭聖人后稷周公共和政令君子攸同利以居止長无憂凶

麟仁獸鳳靈鳥能知安危故世治則出周自后稷始封於邰積功累仁至於周公制禮作樂以成文武之烈

明夷

築亂不時使民恨憂立趾為笑君危臣騷

無註

家人

黃帝所生伏羲之宅兵刃不至利以
居止

大昊伏羲氏黃帝軒轅氏黃帝造
五兵以征不享

睽

雀行求食暮歸屋宿及其室舍安寧
無故

無註

蹇

大倉積穀天下饒食陰陽和調年歲
時熟

無註

解

履機蹈顛墮入寒淵行不能前足踈
不便